

Naqqiut

Siunnersuut 26. februar 2016-imeersaq taarserpaa

Kalaallisoortaani qulequtaa nutserneqarnerani naqqiuteqartoqarpoq, tamanna pivoq Inatsisartut allattoqarfiannit piunasaqartoqarneratigut taamatullu ilanngussaq 1 aamma ilanngussaq 2-mi nutserneqarneratigut naqqiuteqartoqarluni.

Matumuuna Inatsisartut Suleriaasianni § 33 malillugu Naalakkersuisut aalajangiussassatut siunnersuut manna saqqummiuppaat:

Uunga siunnersuut: Inuussutissarsiutinik ingerlatsisutut aningaasaateqarfiit pillugit inatsisip atuutsilernissaa pillugu Kalaallit Nunaannut peqqussummut oqaaseqaatissamut Inatsisartut aalajangiiffigisassaattut siunnersuut.

(Inuussutissarsiornermut, Suliffeqarnermut, Niuernermut Nunanullu allanut Naalakkersuisoq)

Tunngavilersuut

Aalajangiussinissamut siunnersuut Kalaallit Nunaanni inuussutissarsiornermi ineriartortitsinerup niuernikkullu aningaasaliisarnernik siuarsaanissamut siunnersuutinik saqqummiussisussatut 2013-imi pilersitatut danskit-kalaallit suleqatigiissitaliaannit inassutigisanik malitsigisitaavoq.

Suleqatigiissitat 2015-imi februaarimi nalunaarusiorput. Nalunaarusiami ilaatigut suliassa qarfinni pingaarutilinni arlalinni suli danskit piginnaasa qarfigisatut suliassa qarfigisaanni, aammalu suli annertuumik EU-mi inatsisiliaasunit aallaaveqartuusumi inuussutissarsiornermut inatsisaasunik nutarteriuartoqarnissaanik pisariaqartitsineq tikkuartoqarpoq. Inuussutissarsiornermik, ingerlatseqatigiiffeqarnerup naatsorsuuserisarnerrullu iluini naalagaaffeqatigiinneq akimorlugu malittarisassiat assigiit danskit, nunat allamiut kalaallillu suliffeqarfiinut aqutsinikkut oqilisaataasinnaapput. Kalaallit Nunaata nunat allamiunik aningaasaliisartunik suliffeqarfinnullu aggersaasinnaanissaa sianigalugu Kalaallit Nunaanni inuussutissarsiornermik inatsiserisat ullutsinnut naleqquttunik tamanillu takussutissiisut pingaarutilerujussuusut suleqatigiissitat isumaqarfigaat.

Nutarsaanerup ilaatut Kalaallit Nunaannut atuutsitatut inuussutissarsiornermik inatsisaasut nutarterneqarneri qarasaasiatigut nalunaaruteqartarnissamik aaqqiissutinik ammaassapput,

taakku nunatsinni suliffeqarfinnut aqutsinikkut annertuupilussuarnik oqilisaataassallutik, taamaalillutillu siuarsarnermut nutaamut isumalluutunik atugassiiinnaassallutik.

Inuussutissarsiutunik ingerlatsisutut aningaasaateqarfiit pillugit inatsisip atuutsilernera tassaavoq inuussutissarsiornermi inatsisaasunik nutarsaaffeqartutut pisassarisani tamarmiusuni inatsisinit arlalinnit ataasiinnaq, taakku akornanniimmata aktianik piginneqatigiiffiit anpartsselskabillu pillugit inatsit (piginneqatigiiffiit pillugit inatsit), ukiumoortumik naatsorsuutit pillugit inatsit, naatsorsuutitut allattuisarnermut inatsit, aamma naalagaaffimmit akuerisaasutut uppernarsaatit aamma kukkunersiuisartut nalunaarsugaasut pillugit inatsit.

Tunngavik

Kunngip peqqussutaanut missingiummik siunertaq tassaavoq inuussutissarsiutunik ingerlatsisutut aningaasaateqarfiit pillugit inatsisip Kalaallit Nunaannut atuutsinissaa pillugu kunngip peqqussutaa nr. 621, 23. juni 2008-meersup manna tikillugu atuuttup nunatsinni pissutsinik malitseqartitaasutut allannguutunik ilanngussilluni inuussutissarsiutunik ingerlatsisutut aningaasaateqarfiit pillugit inatsisip Kalaallit Nunaannut atuutsinissaaq pillugu peqqussummik nutaamik taarserneqarnissaa.

Imarisai

Taamaalilluni nunatsinni pissutsinik malitseqartitaasutut allannguutunik ilanngussilluni inuussutissarsiutunik ingerlatsisutut aningaasaateqarfiit pillugit inatsisip Kalaallit Nunaannut atuutsinissamut inatsit nr. 712, 25. juni 2014-imeersoq malillugu inuussutissarsiutunik ingerlatsisutut aningaasaateqarfiit pillugit inatsimmik nutaamik atuutsisilernissamik peqqussummut missingiut siunertaqarpoq. Aammattaaq ukiumoortumik naatsorsuutit pillugit inatsimmut aamma inuussutissarsiorfimmi maalaaruteqartarnermut ataatsimiititat pillugit inatsimmut allannguutunik aalajangersimasunik inuussutissarsiutunik ingerlatsisutut aningaasaateqarfiit pillugit inatsit nutaaq imaqarpoq. Ukiumoortumik naatsorsuutit pillugit Kalaallit Nunaannut atuutsinissaaq pillugu peqqussummik nutarterinissamut missingiutip takkuttussap ilaatigut imarissavai allannguutit, inuussutissarsiutunik ingerlatsisutut aningaasaateqarfiit pillugit inatsisip nutaap nassatarisitai.

Inuussutissarsiutunik ingerlatsisutut aningaasaateqarfiit pillugit inatsisip nutaap siunertaa tassaavoq inuussutissarsiutunik ingerlatsisutut aningaasaateqarfinnut inatsisaasunik assingusumik aaqqissuusseqqinnerup piviusunnngortinnissaa, taamaalilluni Danmarkimi suliffeqarfiit ilusaannut assigiinngitsunut assigiiaartunik malittarisassiat atuutsinneqalerlutik, aningaasaateqarfiup ilusaannut atuuttuusunut immikkut ittutut ilisarnaatit sianigineqassallutik. Tamanga ingammik pissutsimut aningaasaateqarfiit imminnut pigisuunerannut tunngasuvoq, tassungalu tunngasuutitamik aningaasaateqarfinnut oqartussaasoqarfiup aningaasaateqarfinnik nakkutilliisartup atuutsinneqassanera ilaalluni.

Inuussutissarsiutinik ingerlatsisutut aningaasaateqarfiit pillugit siusinnerusukkut inatsisaasoq sutigit arlalitsigut siusinnerusukkut piginneqatigiiffiit pillugit inatsimmik tunngaveqarpoq. Taamaattumik piginneqatigiiffinnut inatsisaasunik aaqqissuusseqqinnerup naammassineqartup nassataraa inuussutissarsiutinik ingerlatsisutut aningaasaateqarfinnut malittarisassianut tunngatillugu piginneqatigiiffinnut aaqqissuusseqqinnerup sunik sunniuteqarfeqarnerata ersqqinnerusumik misissornissaanut pissusissamisoortumik pisariaqartitsilerneq. Tamanna ilutigalugu ukiuni kingulliunerusuni ineriartortoqarnerup nassatarisimavaa akisussaaffeqassutsimik, ammasuunermik aammalu suliffeqarfimmi siulersuisarnermilu pitsaasumik kultureqassutsimik annertusisamik sammisaqalerneq. Ilanngunneqassaarlu ukiuni kingulliunerusuni inuussutissarsiutinik ingerlatsisutut aningaasaateqarfinnik tamanik takunnissinnaassutsimut nakkutilliinermullu tunngatillugu apeqqutilliisoqarsimanera, ilanngullugit siulersuisunut sinaakkutaasunut, taakku katitigaanerannut kiffaanngissuseqarnerannullu tunngasut.

Inuussutissarsiutinik ingerlatsisutut aningaasaateqarfiit pillugit inatsisip nutaap nassatarai:
– piginneqatigiiffiit pillugit inatsisaasunut assingusumik inuussutissarsiutinik ingerlatsisutut aningaasaateqarfinnut inatsisitigit tunngavigisanik nutarsaaneq,
– siulersuisut suliarisaat agguasarnerilu pillugit annertusisamik ammasuulerneq, aamma
– siulersuisunut naleqqiullugu aningaasaateqarfinnut oqartussaasoqarfiup periarfissaanik nukittorsaaneq.

Tamakku saniatigit inuussutissarsiutinik ingerlatsisutut aningaasaateqarfiit pillugit inatsisip imarisaanut erseqqinnerusumik nassuiaat innersuussutigineqarpoq.

Namminersorlutik oqartussanut aningaasaqarnikkut kingunerisinnaasat

Inuussutissarsiutinik ingerlatsisutut aningaasaateqarfiit pillugit inatsisip atuutsilernerata nassatarisaanik namminersorlutik oqartussanut annertusisanik aningaasartuuteqassanera naatsorsuutigineqanngilaq.

Tusarniaaneq

2015-imi 17. novembarimit 22. decembarimut oqallisissiaq suliffiup avataani aamma iluani tusarniaassutaasimavoq.

Kalaallit Nunaanni Sulisitsisut Peqatigiiffiannit aamma Kommuneqarfik Sermersuumit tusarniaanermut akissuteqartoqarpoq, taakkulu tamarmik inuussutissarsiutinik ingerlatsisutut aningaasaateqarfiit pillugit inatsisip atuutsilernissaanut tapersuineramik oqaaseqaateqartuupput.

Inuussutissarsiorfimmu il.il. aningaasaqarnikkut aqutsinikkullu kingunerisinnaasat

Inuussutissarsiutinik ingerlatsisutut aningaasaateqarfiit pillugit inatsisip atuutsilernerata inuussutissarsiorfimmu innuttaasunullu aningaasaqarnikkut kingunerisanik nassataqassanngilaq.

Tusarniaaneq

Inatsisissatut siunnersuut sapaatit akunnerini tallimani namminersorlutik oqartussat tusarniaassutitut nittartagaaniitinneqarpoq, makkunungalugu tusarniaassutigalugu nassiussorneqarsimalluni:

Aningaasaqarnermut Naalakkersuisoqarfik
Naalakkersuisut Siulittaasuata Naalakkersuisoqarfia
Aatsitassaqaqarnermut Naalakkersuisoqarfik
Peqqissutsimut Naalakkersuisoqarfik
Departementet for Sundhed
Nunatsinni Advokatit
Deloitte Grønland
Sulisitsisut
KANUKOKA
Kommuneqarfik Sermersooq
Kommune Kujalleq
Qeqqata Kommunia
Qaasuitsup Kommunia

Tusarniaanerit allannguutissanik siunnersuuteqarnissamut tunngavissiisimangillat.

Innersuussut

Tamanna tunngavigalugu inuussutissarsiutinik ingerlatsisutut aningaasaateqarfiit pillugit inatsisip atuutsilernissaa pillugu Kalaallit Nunaannut peqqussummik Namminersorlutik Oqartussat akuersissuteqarsinnaanerit Naalakkersuisut innersuussutigissavaat.